

 <p>AMOREBIETA- ETXANOKO UDALA P4800300H</p>	<p><b>IL0106</b></p>	<p><b>Kamioiak aparkatzeko plaza esleipena</b></p>
---	----------------------	--

## ZER DA? ZERTARAKO DA?

Erabilera publikoaren aprobetxamendu berezira ematen den lizentzia: plaza kamioien aparkalekuan.

## NORK ESKA DEZAKE?

Edozein pertsona fisikok edo juridikok edo bere lege ordezkariak, 5. artikuluan, definitutako ibilgailuen titularra, baldin eta honako kategoria hauetariko batean sartzen badira eta honako lehentasun hurrenkera betetzen badu:

- 1. kategoria: Amorebieta-Etxanoko udalerrian erroldaturik dauden edo egoitza bertan duten eskatzaileak, baldin eta haien ibilgailua alta harturik badago Amorebieta-Etxanoko ibilgailuen udal erroldan.
- 2. kategoria: Amorebieta-Etxanoko udalerrian erroldaturik ez dauden edo egoitza bertan ez duten eskatzaileak, baldin eta haien ibilgailua alta harturik badago Amorebieta-Etxanoko ibilgailuen udal erroldan.
- 3. kategoria: Amorebieta-Etxanoko udalerrian erroldaturik dauden edo egoitza bertan duten eskatzaileak, baldin eta haien ibilgailua alta harturik ez badago Amorebieta-Etxanoko ibilgailuen udal erroldan.
- 4. kategoria: Haien jarduera profesionala, komertziala, industrial, merkataritzazkoa edo antzekoak betetzen duten eskatzaileak, baldin eta haien negozio lokalaren egoitza Amorebieta-Etxanon badago.
- 5. kategoria: Bestelako eskatzaileak

## AURKEZTU BEHARREKO DOKUMENTAZIOA

- [E061 Kamioien aparkalekurako plaza eskaera](#)

a) Plaza eskatzen duen ibilgailuaren titularraren NANren fotokopia, eskatzailea pertsona fisikoa bada, edo merkataritza erregistroan edo baliozko erregistroan inskribaturik dauden indarreko eraketa edo egokitzapen eskriturak eta IFKren fotokopia, eskatzailea merkataritza sozietatea edo pertsona juridikoa bada.

b) Gizarte Segurantzaren ziurtagiria, zerga betebeharrak ordainduta daudela egiaztatzeko.

c) Ibilgailuaren derrigorrezko indarreko aseguru poliza dagoela egiaztatzen duen ziurtagiria.

d) Aparkalekua erabiltzeko baimena eskatzen duen ibilgailuaren indarreko zirkulazio baimen eta fitxa teknikoaren fotokopia, ibilgailuaren zirkulazio baimena eta haren ezaugarriak egiaztatzeko, bai eta haren neurriak ere, horiek zehaztu baitute zein izango den ibilgailuak lotu ahal izango duen plaza.

e) Trakzio Mekanikozko Ibilgailuen gaineko Zergaren azken ordainagiriaren fotokopia, baldin eta ibilgailua Amorebieta-Etxanoko ibilgailuen udal erroldan alta harturik ez badago.

f) Laugarren kategoriako eskatzaileek erantzukizunpeko adierazpena aurkeztu beharko dute interesdunak Amorebieta-Etxanon kokatutako negozioaren lokalarekin duen loturari buruz.

a), b) eta c) letretan ezarritako dokumentuak ordeztu ahalko dira indarreko garraio txartelaren kopia konpultsatua truke, hura eskuratzea nahitaezkoa den kasuetan.

## NON ESKATZEN DA?

**Aurrez aurre:**

- [Udaletxea](#)  
Udaletxea  
Herriko plaza z/g, 48340 AMOREBIETA-ETXANO  
Ordutegia: 7:30 - 15:00

**Posta arrunta:**

- Posta ziurtatua  
Herriko plaza z/g, 48340 AMOREBIETA-ETXANO

## ZENBAT KOSTATZEN DA?

01 - Kamioien Udal Aparkalekua okupatzeagatik Tasak	
A motako plazak: Gehienez ere 14 metroko luzera izan dezaketen ibilgailuentzat.	175 Euro/año
B motako plazak: 14 metro baino gehiagoko gehienezko luzera izan dezaketen ibilgailuentzat.	250 Euro/año

## PROZEDURAREN EPEA

Aurreikusitako epea: Hilabete 1  
Prozedura arrunta. Legezko gehienezko epea: hilabete 1  
Isiltasun-administratiboaren izaera: Aurkakoa

## ARAUDI APLIKAGARRIA

- [33/2003 Legea, azaroaren 3koa, Herri Administrazioen Ondareari buruzkoa](#) 84. Art.
- [1372/1986 Errege Dekretua, ekainaren 13koa, Tokiko Erakundeen ondasunen arautegia onartzen duena](#) 75 eta 77 Art.
- [Udal jabari publikoaren erabilera eta aprobetxamendu bereziarengatik ordaindu beharreko tasak arautzen dituen ordenantza fiskala](#)
- [Kamioien aparkalekuaren erabilera arautzen duen ordenantza](#)

## ESKAERA JASO ONDOREN JARRAITU BEHARREKO PROZEDURA

Dokumentazioaren administrazio azterketa, HAZak egingo du.

- Espedienteen irekiera, HAZak egingo du.

Dagokion sailera bidali: Bulego Teknikora

- Espedientea teknikaren eta administrazioaren ikuspegitik aztertu.
- Instanzia teknikoari zuzentzeko eskatu
- Txosten teknikoa eta juridikoa
- Zozketa, hala denean.

Ebazpena: Idazkaritza

## NORK ONARTU BEHAR DU?

Alkatetza

## IZAPIDETZEKO ARDURA DUEN UDAL SAILA

Arlo Teknikoa - Azpiegiturak eta zerbitzuak

### OHARRAK

Kamioiak aparkatzeko erabilerarako udal baimen edo lizentziak bakar-bakarrik emango dira bertan kamioiak aparkatzeko; kamioitzat honako hauek hartuko dira:

- Lau gupil edo gehiago dituzten automobilak, merkantziak eta salgaiak garraiatzeko egin eta eraikitakoak; haien kabina ez dago karrozeriaren gainerako zatian integraturik eta gehienez 9 plaza dituzte, gidariarena barne.
- Kamioi baten kabinak atoian eramateko egin eta eraikitako ibilgailu ezaautopropulsatuak.
- Furgoiak, betiere honela definitutako automobilak: aurreko ataleko baldintza guztiak betez, baina kabina karrozeriaren gainerako zatian eta atoietan integraturik izanez.

Baimen edo lizentziarako eskubidea izateko, eskatzaileek honako baldintza hauek betebeharko dituzte:

- Amorebieta-Etxanoko Udalaren zuzenbide publikoko tributua, prezio publikoak eta gainerako ordainarazpenak eta sarrerak egunean ordaindurik izatea.
- Gizarte Segurantzarekiko betebeharrak egunean ordaindurik izatea.
- Ordenantza honek zehaztutako ibilgailu baten titular edo erantzulea izatea.
- Zirkulatzeko eta ibilgailua gidatzeko beharrezko baimen guzti-guztiak izatea.
- Baimen edo lizentzia eskatzen zaion ibilgailua Amorebieta-Etxanoko Trakzio Mekanikozko Ibilgailuen gaineko Zergaren indarreko erroldan sarturik egotea.
- Ibilgailua aseguratutik egotea, izan daitekeen edozein gaitz-kaltea dela eta.
- Amorebieta-Etxanon erroldaturik egotea, halaxe exijitzen duten kategorietan sartu nahi izanez gero.

Baimen edo lizentziak gehienez ere 4 urteko eperako emango dira eta edozein unetan baliogabetu ahalko dira inolako kalte-ordainik gabe, baldin eta baimen edo lizentziak, legezko ezarpenek edota indarreko arautegiko gainerako xedapenek ezarritako baldintzak betetzen ez badira edo interes publikoko arrazoirik badago.

Emandako baimen edo lizentziak ez dira luzagarriak izango, ez eta eskualdagarriak ere.

Titular berari ezin izango zaizkio lau (4) plaza baino gehiago esleitu.

Esleitu beharreko aparkalekuak honako mota hauekoak izango dira:

- A motakoak. Mota honetako plazak beteko dituzte gehienez ere 14 metro luze diren ibilgailuek.
- B motakoak. Mota honetako plazak beteko dituzte gehienez ere 14 metrotik gorako luzera duten ibilgailuek.

### Informazio gehiago

- Bide telematikoz: [bulegoteknikoa@amorebieta.eus](mailto:bulegoteknikoa@amorebieta.eus)

---

• Telefonoz: 946300161.

[www.amorebieta-etxano.eus](http://www.amorebieta-etxano.eus)